

中國方志叢書·華中地方·第八八五號

據

清·承霈修，社友棠、楊兆崧纂
清同治十年刊本

影印

江 西 省

新建縣志

(七)

成文出版社有限公司印行

新建縣志卷之四十九

人紀志 高士

言高士者不問而知爲孺子也皇甫謐有高士傳高士寧
惟是匿跡銷聲枯槁沈淪如彼異人者與易曰樂則行之
憂則違之確乎其不可拔潛龍也高士知者也夫人也藏
器于身待時而動非時勿之有動焉耳矣用行舍藏夫子
固有味乎其言之也沿至後時懷高士且懷賢太守也今
尙有其人乎以冠于篇俾後進希光焉

尚存其人乎以跋于蘇軾詩集卷之五

固存和平其言之此皆至好和鄭高士且鄭賀太安此合
器于良翁却而應其却之有應焉江矣民行舍燕夫于
曼順數之鄭平其不可對靜猶此高士朕齊此夫人此蘇
郵長到祖能聲赫赫此能收好吳人齊與長曰樂順許之
百高士者不問而朕為蘇子此皇由臨齊高士對高士定

人餘志

高士

蘇軾志卷之四十五

新建縣志卷之四十九

人紀高士

漢
徐穉字孺子少學顏氏春秋京氏易歐陽尚書兼綜風角
星占算歷河圖七緯推步變易家貧常自耕稼非其力
不食恭儉義讓所居服其德屢辟公府不起時陳蕃爲
郡太守以禮請署功曹穉既謁而退蕃在郡不接賓客
惟穉來特設榻一去則懸之後舉有道家拜太原太守
皆不就延熹二年尚書令陳蕃僕射胡廣等上疏薦穉

等曰臣聞善人天地之紀政之所由也詩云思皇多士
生此王國天挺俊乂爲陛下出當輔弼明時左右大業
者也伏見處士豫章徐穉彭城姜肱汝南袁閎京兆韋
著潁川李曇德行純備著于人聽若使擢登三事協亮
天工必能翼宣盛美增光日月矣桓帝乃以安車元纁
備禮徵之並不至帝因問蕃曰徐穉袁閎韋著孰爲先
後蕃曰閎生出公族聞道漸訓著長於三輔禮義之俗
所謂不扶自直不鏤自雕至於穉者爰自江南卑薄之
域而角立傑出宜當爲先穉嘗爲太尉黃瓊所辟不就

及瓊卒歸葬穉乃負糧徒步到江夏赴之設雞酒薄祭
哭畢而去不告姓名時會者四方名士郭林宗等數十
人聞之疑其穉也乃選能言語生茅容輕騎追之及于
途容爲設飯共言稼穡之事臨訣去謂容曰爲我謝郭
林宗大樹將顛非一繩所維何爲栖栖不遑安處及林
宗有母憂穉往弔之置生芻一束於廬前而去衆怪不
知其故林宗曰此必南州高士徐孺子也詩不云乎生
芻一束其人如玉吾無德以堪之靈帝初欲蒲輪聘穉
會卒時年七十二

後漢書傳并注

冊府元龜

省志

府志

李贅豫章人陳修爲豫章太守以郡風俗不整常卷坐席

惟徐穉及贅數詣問焉乃待以殊禮

按舊志失載今據謝承會稽先賢傳採補

六朝

喻合字巨

一作匡

孫

按南州舊聞孫卽遜

隱居廬山北阜自號匡廬主

人通五經諳兵法布衣蔬食三十餘年吳主皓晉武帝

時郡守造廬徵辟皆不就嘆曰閨餘之運不可以有爲

矣遂卒于山

省志

府志

楊志

熊鴻晉初七辟不就

豫章古今記

省志

雷次宗字仲倫少入廬山事沙門釋慧遠篤志好學尤明
三禮毛詩隱退不交世務本州辟從事員外散騎侍郎
徵並不就與子姪書言所守曰夫生之修短咸有定分
定分之外不可以智力求但當於所稟之中順而勿率
吾少嬰羸患志棲物表已懷遠迹之意弱冠託業廬山
事釋外慕等夷內懷悱發於是洗氣神明玩心墳典勉
志勤躬夜以繼日爰有山水之好晤言之歡實足通理
輔性樂以忘憂自游道餐風二十餘載淵匠旣傾良朋

凋索續以舉逆違天備嘗荼蓼疇昔誠願頓盡一朝心
慮荒散情意衰損故遂與汝曹歸耕壟畔山居谷飲忽
復十年犬馬之齒已踰知命崦嵫將迫前途幾何寔遠
想尙子五岳之舉近謝居室瑣瑣之勤及今耄未至悵
衰不及頓尙可厲志於所期縱心於所託棲誠吾生之
津梁專氣莫年之攝養玩歲日於良辰偷餘樂於將除
在心所期盡於此矣汝等年各長成冠娶已畢脩情衡
泌吾復何憂但願守全所志以保令終耳自今以往家
事大小一勿見關子平之言可以爲法元嘉十五年徵

次宗至京師開館於雞籠山聚徒教授置生百餘人會稽朱膺之潁川庾蔚之並以儒學監總諸生時國子學未立上留心藝術使丹陽尹何尚之立元學太子率更令何承天立史學司徒參軍謝元立文學凡四學並建車駕數幸次宗學館資給甚厚又除給事中不就久之還廬山公卿以下並設祖道二十五年詔曰前新除給事中雷次宗篤尚希古經行明脩自絕招命守志隱約宜加升引以旌退素可散騎侍郎後又徵詣京邑爲築室於鍾山西巖下謂之招隱館使爲皇太子諸王講喪

服經次宗不入公門乃使自華林東門入延賢堂就業
二十五年卒于鍾山時年六十三太祖與江夏王義恭
書道次宗亡義恭答曰雷次宗不救所疾甚可痛念其
幽棲窮藪自賓聖朝克己復禮始終若一伏惟天慈宏
被亦垂矜愍子肅之頗傳其業官至豫章郡丞

南史

省志 府志

按次宗有毛詩序義二卷豫章古今記三卷徵士集
三十卷畧注喪服經傳等書

隋

黃元儼隋代人長文學常客寓沅陵是時辰州刺史以女妻之復薦其才以自代後棄官隱于其地羅山

湖廣志

唐

臧嘉猷開元中州牧吳兢召不赴著無求論以見志競名其鄉曰真隱里曰正吉以旌異之天寶間採訪使以名聞驛召之詔至都堂論政左相李適之稱爲學究天人識洞精微宜加拔擢嘉猷以親老不願仕著德政八章以獻朝廷嘉其節賜束帛歸屢徵不起命以其所居里爲旌賢坊撰皇王十翼七卷

省志

府志

按太平興國析置南昌新建復以東鄱爲進賢府志
列臧嘉猷於進賢縣此時尙係李唐人故錄之

宋

王淇紹興初避地蕪湖性敏悟好讀書以詩見賞于時與

賓朋觴咏不倦著擊壤集年八十卒

江南志

熊與和字天樂性介澹無妻不食肉獨喜酒淇州酒之佳
者曰雙泉曰金波因以金波名樓志其所嗜也與和通
經史百家之書布衣草屨遨遊諸名山挾琴就松風彈
之竟自忘返工草書酷類張顛詩尤有奇崛氣臨江杜

本清碧選入谷音集中

朱金元詩永

江城名蹟

南

州舊聞

潘興嗣字延之慎修之孫以父汝士蔭授將作監主簿少
孤篤學與王安石曾鞏王回袁陟俱友善初調德化尉
謁江州刺史許瑊瑊倨不爲禮興嗣投劾去築室豫章
城南絕造請自號清逸居士名其樓曰閒雲早眠晏起
著書吟詩以自娛公卿交薦章數十上熙寧初召爲筠
州推官辭不就隱處六十餘年手植木皆十圍目不釋
書老亦弗倦手鈔至數百卷著文集六十卷詩話補遺

一卷

江城名蹟

南州耆舊記

省志

府志

楊志

按興嗣文集名西山集

章友直字伯益家建安五世其先豫章人曾祖某佐江南
李氏爲建州軍事推官祖某著作佐郎贈工部尚書父
某京兆府節度判官友直少卓越自放不羈不肯求選
舉有高節大度過人之材讀書通大指尤善相人每諱
其術不多爲人道之知音樂書畫奕碁擅名一時初皇
祐中以善篆召試辭之又太學篆石經近臣再薦友直
篆法與李斯陽冰相上下宣召乃往經成除試將作監

主簿不就卒年五十七子存孺進士

王荆公集

丁中字汝明父歿四月遺腹生寶祐三年領鄉舉補太學
上舍與陳宜中等上書攻丁大全咸淳四年復上書乞
調諸路兵馬并力救襄不報中知國事已去束裝而歸
治家有方守祖宗法以施濟爲心所與友者吳澄徐鹿
卿鹿卿嘗扁其室曰韋軒入元隱居不仕詳見胡希寅
所撰韋齋行狀中

五溪丁氏世美集

省志

楊志

按中所著有春秋續辨四卷周禮考異四卷君臣懿
範五卷古今括異十卷韋軒文集十卷甲子紀年圖

劉晞顓渙後裔師事闕伯益程霆靈訪道問業留心濂洛
之學兩先生嘉與之方寧宗朝嚴斥僞學遂絕意進取
築室西山之東岡以著述講學爲事當事屢加薦舉辭
曰徐孺子之高風未遠士各有志何相迫耶當事成其
志表其宅曰東岡處士之廬

楊志

元

趙祖仝元時僑寓富順隱居讀書志行純潔鄉閭以爲矜

式善屬文凡郡邑碑刻多出其手

四川志

省志

毛舜選少師事凌雲標通經善屬文士大夫咸禮重之累